



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

14. Suffragiorum 7. genera pro defunctis.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

lienti aqua plenos: nunc sub aquis gelu con-
 strictis multos dies continuos hærere; nunc
 in mortuorum ingredi sepulchra, ibique
 diu iacere; nunc in patibulis inter latro-
 nes dies aliquot dependere; nunc alia id
 genus poenitentiae explere opera: in qui-
 bus omnibus tantos persentiebat dolores,
 ut inclamaret aliquando altissime, & par-
 turientis instar eiularet: sed tamen illa
 semper, & ad novos dolores integra, exi-
 git, & incendiis emergebat.

PARS XIII.

*Septem suffragiorum genera, quibus de-
 functorum animæ iuuantur.*

Primum, lachrymæ. 2. Oratio: quæ duo
 quàm profint ægrôtis, fidem faciant
 exempla plurima. S. Odilo Abbas Clu-
 niacensis cum auditas in quibusdam Sici-
 liæ montibus, & speluncis animarum vo-
 ciferationes accepisset, à se, religiosisque
 sui ordinis, querulis lamentationibus o-
 pem implorantium; decreto generali con-
 stituit, ut per sua omnia monasteria, po-
 stridie SS. omnium; Animarum in Chri-
 sto quiescentium memoria fieret. Quam
 quidem misericordie plenissimam consti-
 tutionem comprobauit postea Romana
 Ecclesia, & ybique locorum fixam esse, ra-
 tamque

tamque voluit. Hac verò ætate P. Franciscus Xaverius, vt in eius vita scribitur, singulari cura & pietate animas defunctorum prosecutus est. Itaque Malacæ cùm esset, quod est nobile Indiarum emporium, post Solis occasum urbem obiens, incolas tintinnabulo excitatos solemnî carmine, siue cantu admonebat, vt pro cruciatis purgatorio igne animis, proque hominibus in peccato mortali existentibus diuinam clementiam implorarent. Illo abeunte ad alias Insulas Indiarum, promulgandi Evangelij causa, ciuitas Malacensis, instituti, desiderijq; Sancti viri memor certum constituit hominem, qui altera manu laternam, altera tintinnabulum gerens, id ipsum primis tenebris faceret. Quod institutum ab vrbe Malaca in Indiæ, Moluci, vltimique orientis vrbes, atque oppida manauit, hodieque viget, magno mortuorum, viuorumque bono.

3. Suffragium sunt ieiunia, & corporis asperitates. S. Dominicus singulis noctibus ter catena ferrea in dorsum suum sæuiebat; primò quidem pro seipso; tum pro peccatoribus in mûdo degentibus; tertio pro animabus poenas in purgatorio luentibus. 4. Vigiliæ. 5. Eleemosynæ. 6. Restitutiones, piaque legata, quæ à morientibus fiunt. 7. Missæ sacrificium, quo nihil præsentius.

Presca

Precationes pro defunctis.

P salmus Miserere, & De profundis, quo *cum agre-*
finito Kyrie eleyson. *tus iam ex-*
Kyrie eleyson. *spirauit.*

Pater noster, &c. Et ne nos inducas, &c.

V. A porta inferi. *R.* Erue Domine ani-
mas eorum.

V. Credo videre bona Domini. *R.* In
terra uiuentium.

V. Ne tradas Domine bestiis animas
confitentium tibi.

R. Et animas pauperum tuorum ne ob-
liuiscaris in finem.

Requiem æternam, &c. Et lux &c.

Domine exaudi, &c. Et cla. &c.

Oremus. Commendamus tibi Domi-
ne animam famuli tui N. vt defunctus se-
culo tibi uiuat, & quæ per fragilitatem hu-
manæ cōuersationis admisit, tu uenia mi-
sericordissimæ pietatis absterge. Per Chri-
stum, &c.

Omnipotens sempiterne Deus, cui nun-
quàm sine spe misericordiæ supplicatur,
propitiare animæ famuli tui N. vt qui de
hac vita in tui nominis confessione deces-
sit, sanctorum tuorum numero facias ag-
gregari. Per Christum, &c.

Per ora

Peroratio ad Sodales.

A Tque hæc sunt Sodales optimi (ut
principiis extrema respondeant) quæ
huic Manuali inferenda duximus;
pauca, ut videtis, ex multis; quæ tamē benè
comparatis animis esse possint satis, si mo-
dò (quod rogamus, & faciendum decerni-
mus) huic Manuali officium B. Virginis, &
quæ eo comprehendendi solent adiungatis.
Supplebunt cætera publicæ exhortationes,
quæ non raræ sunt in Congregatione, pri-
uati conceptus, & Meditationes, quas fre-
quentes esse par est, ipsa Spiritus sancti vn-
ctio, quæ (D. Ioāne teste) docebit vos de om-
nibus; Mariæ in super parentis, & patrone
vestræ, adminicula, quæ alumnis suis con-
tinenter sufficit; vsus deniq; Exercitiorum
horum assiduus, quem singulariter vobis
omnibus commendamus. Hic enim si ad-
sit, & quotidie quidem adsit, longè vobis
futurus est potior & libris, & præceptis
omnibus.

1. Ioan. 2.

FINIS MANUALIS.

Laus Deo, virginique Matri.

INDEX